


**DE EVICTIONIBUS
INDULTU MAGNIFICI
AMPLISSIMIQUE
JCTORUM ORDINIS
PRAESIDE...**

Michael Lederer, Julius Ernst
Schrödter, Valenti Gonzaga





Ad
Clarissimum ac Præstantissimum Virum,
JULIUM ERNESTUM
SCHROEDTERUM J.U.C.
cum Pro Licentia disputaret.



*Actenus sudor laborq̃, pervigilq̃, industria
Strenuas egere partes, te tulere & ad hoc loci,
Unde culmen in supremum proximus gradus
patet ;*

*Stat Themis revincta crines circulo aureo & manu
Ventilat laurum virentem, premium excelsum tibi,
Pulverem istum ubi vicisti. Tende robur ingens,
Tende, SCHROEDTERE, ecce, meta, meta summa in
proxima est :*

*Quam semel modo attigisse in posterum semper beat.
Hoc Themis despondet alma, Themidiq̃, applaudit fa-
vens*

*Cypris, atq̃, candidum omen sternuit ter & quater
Næ venustus ac beatus, biga cui Divum hæc favet !*

AUGUSTUS BUCHNERUS P.P.
& Academiæ Senior,

THE HISTORY OF THE

REIGN OF KING CHARLES THE FIRST

IN WHICH IS CONTAINED
 A FULL AND COMPLETE HISTORY
 OF HIS REIGN
 FROM THE BEGINNING OF HIS
 REIGN TO HIS DEATH
 IN THE YEAR 1649
 BY SAMUEL JOHNSON
 ESQ; OF LONDON
 IN TWO VOLUMES
 THE SECOND VOLUME
 LONDON: Printed by J. B. & C. 1791

Q. D. F. E. I.

Præloqvium.

Jurisprudencia nostra S. S. *quæ aliarum disciplinarum omnium Regina esse meretur*, uti non in nudâ Theoriâ consistit, ita nec solâ Praxi perficitur. Theoria eqvidem basis ac fundamentum totius Jurisprudenciæ; Praxis verò usum ac commodum ipsius Juris exhibet. Non itaq; juvat nimis inhærere subtilitatibus illis Theoreticis omniaque antiqva expiscari velle, nisi quoque de eo, quod nostro tempore in frequenti usu versatur, solliciti simus. Illi enim, dum unicum antiquitatis studium eruere conantur, si forum accedant, in alterum quasi orbem sese delatos putant. Hi autem qui totam Jurisprudenciam in praxi tantummodò consistere existimant, neglectis fundamentis solidis & rationibus firmis, id quod intendunt, minimè penetrant, & quando ad rem ventum est, multoties impingunt, & secundum vulgatum il-

A

lud

lud, *quasi in pice haerent*. Theoria itaq; fundamentalis cum utilisimâ praxi conjungenda, ut probè jactis fundamentis, ea quæ in foro versantur via solita in forum deducere queamus. Hanc ob rationem motus, loco disputationis Inauguralis proponere decrevi ejusmodi materiam, EVICTIONUM scilicet, quæ quidem Theoriam siue accuratam cognitionem ante se requirit, utilitas tamen ejusdem siue praxis omninò quotidiana est. Quod dum facio ante omnia de ordine ac methodo sollicitus sum; ne si res explicare incipiam, obruat prolixitas: si summas tantum attigero, ne minus lucidè appareat difficilis materia. Quapropter secutus maximè naturæ ordinem. In principio de Origine, Defin. Divisione, ac fine Evictionis dicam. Dehinc in quibus causis præstanda sit evictio, quibus personis, à quibus, & quomodo caveatur, tum de requisitis, ut aliquis præstationem exigere possit, & quomodo illa præstatio sit petenda. Tandem de Actionibus quæ ex naturâ Evictionis descendunt. Quod ut *felix faustumq;* sit, DEUS ex alto jubeat!

CAPUT PRIMUM.

De Origine, Definitione, Di-
visione ac Fine Evictionis,

SUMMARI A,

- | | |
|----------------------|--------------|
| 1. Origo Evictionis. | 5. Definitio |
| 2. Etymologia. | 6. Species, |
| 3. Homonymia. | 7. Finis. |
| 4. Synonymia. | |

I.

RECTÈ inquit J Ctus Ulpianus in *L.I. ff. de Action, empt. & vend.* Nihil magis bonæ fidei convenire, quam id præstari, quod inter contrahentes actum est, Unde Cicero *lib. 1. Off.* fidem ab eo derivari existimat quod fiat quod dictum est. Hæc enim aurea vox apud præscos erat; Inter bonos bonè agere oportet. *Id. l. 3. Offic.* Adeoq; sacro-sancta præscis & erat fides & habebatur ut in turpissimis haberent, semel datam fidem fallere, *L. 1. ff. de constitut. pecun.* Quà de causâ Romæ templum fidei extractum fuisse refert *Dyon. Halicarn. l. 2.* Quamvis autem sancta & constans semper inter antiquos erat fides, ut ne latum quidem unguem à promissis recederent, postea tamen, cum seculum in pejus rueret, studium fidelitatis quoq; exulare cepit, ut id quod antea in hominum fide positum erat, in Legis nexum deducere necesse esset. Cum enim quamplurimum accideret, ut promissa non adimplerentur, quia res promissa non erat in bonis promisoris, & ita facile à manu accipientis extorqueri poterat: ideoq; saluber-

A 2

rimum

rimum Evictionis remedium introductum est, ut ei qui rem alienam, quam in. iusto titulo acquisierat, habere non potest hic ratione consulatur.

II. Ne autem securus vocum, rerum iacturam faciam ut Etymologiam evolvam, ipsa me methodus iubet. Dicitur itaq; Evictio ab *Evincendo*, quod idem est, quam vincendo extorquere. *Lib. lib. 2. Omne id tempus cum conjuratis absument evincuntq; instando.* Evincere enim est quasi legitimo certamine vincere i.e. cognitione Judicis; & quidem non tantum vincere, sed quoque rem abducere *arg. l. 57. ff. h. t.* Evicta autem res tum demum dicitur, quando ita amittitur, ut emptor illam rem amplius habere non possit, & omnis ipsi spes adempta sit *L. 34. §. 1. & L. seq. ff. h. t.* Neq; dubitationem aliquam movere potest; quod extorquere nimis durum videatur, germanicè *mit Gewalt abdringen.* *Vim enim facere non videtur is, qui jure suo utitur & ordinariam actione experitur. per text. in L. 155. ff. de R. J. Godof. ad h. in rubr. lit. g. Caball. tract. de Eviction. præfat. n. 1.*

III. Consideratur Vocabulum Evictionis dupliciter, vel *absolute* & in se, quando res ita evincitur, ut non amplius sit in bonis nostris. *Caball. præfat. tractat. de Eviction. n. 1.* Vel secundò accipitur *relatè*, quatenus à venditore Evictio præstanda venit emptori, ut si res ab alio evincatur, emptor tam ratione pretii quam interesse indemnitas servari queat. Quo in sensu posteriori vocabulum hoc Evictionis in rubr. *ff. h. t.* à compilatoribus Juris nostri accipitur, quasi dicerent, *de evictionibus præstandis*, uti hoc ipsum vocabulum, quando in jure nostro occurrit, ita plerumq; accipi solet. Quemadmodum enim dicimus: *præstare culpam & dolum*, ut eo nomine nobis

nobis satisfactio fiat, quando alius dolosè agit, aut propter propriam culpam nos damno afficit, ita quoq; dicimus, *præstare Evictionem*, ut eâ ratione si res evincatur emptori succurri possit. *Frantzck. ad h. t. n. 5.*

IV. Synonymiam quod concernit. Evictio absolute considerata, dicitur german. *Entwehrschaft* : Relatè autem considerata, dicitur *Gewehrschaft* / quod præstetur Autoritas, ne res evincatur. Si verò ejusmodi Autoritas, sive *Gewähr* oder *Gewehrschaft* deficiat, tum sequatur evictio. Vocabulum enim *wehren* / idem est quod præstare, confirmare, securum reddere v. c. *Will dich gewehren / einem seiner Bitte gewehren.* Appellatur quoq; *eine schadlos haltung.* *Wehner. Obs. pract. verb. Gewähr / & Ruding. Cent. 2. Obs. 25.* Utimur autem hoc vocabulo *Gewähr* sive in judicio, sive extra judicium. Hoc modo non nunquam possessionem rei denotat *per Text. in Landr. lib. 1. art. 9. vers. wer auch den andern.* Aliquando, quando emptor præstationem evictionis à venditore exigit, uti superius demonstratum, *bestelle mir die Gewehr.* In judicio autem sumitur pro cautione, quam Actor reo præstare tenetur, quæ alias Gvaranda dicitur, & hujus utilitas duplex est : Primò enim Actor se obstringit, si reus ab alio quodam conveniatur se velle reum defendere. Altera utilitas illa est, quod præstità hâc Gvarandâ, actor amplius libellum mutare nequeat. *Dn. Carpzov. in Jurisprud. For. p. 1. Const. 4. per tot. Chil. König. in procesf. Judic. cap. 49. n. 3. 4. & seqq.* Græcè dicitur *βεβαίωσις.* *Cujac. in paratit. C. h. t.* sicut autoritas & actio pro Evictione. *l. ult. ff. b. t. βεβαίωσις dixit. Suidas & Pollux l. 6. Budeus ad h. l. & in comment. ling. Græc. D. Tabor. ad Colleg.*

leg. Argentor. l. t. n. 2. Gallicè hæc ipsa Eviçtio dicitur *La garantie à garantir*, *Nathan. de Duez. lexic. German.* *Gallic.* quod idem est, quam auctoritatem dare assecurare. Ita nuperrimè Legatus Svecicus *Bieren Klaw* in comitiis Franckofurtensis perit à Statibus Imperii *die garantie der beyden Hertzogthümer Bremen und Pommern* / uti ex relationibus illius temporis constat.

V. Traditâ superius duplici acceptione Eviçtionis, illa ipsa nunc quoq; dupliciter definienda vel potius describenda venit. Et quidem Eviçtio absolute & in se considerata, ita definitur; **quod sit rei nostræ; quam adversarius legitimo titulo acquisierat, per judicem facta recuperatio.** *We- senb. in paratit. l. t. n. 1. & Treüt. vol. 2. disp. 3. l. B.* Loco generis in hâc ipsâ definitione posuimus Recuperationem, tanquam latius patentem, quam ipsum definitum. Dicimus enim Recuperare quocunque modo, sive id legitimè sive illegitimè fiat. Et quidem hâc ipsâ eviçtione recuperare possumus res nostras vel corporales vel incorporales, vel mobiles vel immobiles, sive adversarius noster eas acquisierit, titulo emptionis, permutationis, sive aliis legitimis causis. Omnino autem in hâc recuperatione requiritur Judicis declaratio. Non enim propriâ auctoritate & quidem vi vel coactione aliquis rem suam repetere potest, sed necesse habet Judicem adire, ipsiusq; declarationem implorare, **Quod si quis propriâ auctoritate possessionem alicujus rei apprehendere voluerit, eo ipso dominium ejusdem amittit.** *L. 7. C. unde vi l. 13. ff. quod. met. caus. Schneidw. ad Tit. de Añion. p. m. 1107.* Eviçtionis relatè consideratz,
de

de quâ in hoc ipso discursu potissimum nobis tractatio
instituenda, descriptionem quod attinet, non reperio
eandem ab aliquo Autore traditam esse: videtur tamen
quod sequenti modo describi possit: quod sit rei
venditæ, vel ex aliâ justâ causâ accipienti
traditæ: legitima defensio eo fine institutâ
ut re iudicio ablatâ pretium ac interesse ab
alienante accipienti restituatur. Quâ de-
scriptione naturam Evictionis aliquo modo saltem de-
lineasse, sufficiat, res ipsa autem ex subsequenti tractatio-
ne dilucidius apparebit.

VI. Evictio hæc quadruplex est 1. Expressa. 2. Ta-
cita. 3. Solennis, & 4. Impropria. 1. Evictio *expressa*
quando quis à venditore nomine Evictionis duplum sti-
pulatus est, quò casu dicitur emptorem sibi expressè pro-
spexisse de Evictione. *L. non ex co. C. b. t.* 2. *Tacita Evictio*
est, quando venditor quidem expressè de Evictione se
non obligavit; nihilominus tamen ex naturâ hujus contra-
ctus de eadem Evictione etiam quoad interesse empto-
ris uti not. *Salic. in L. si venditor. ff. de Eviction.* tenetur.
Quæ præstatio tanquam proprietas quædam huic ipsi
contractui inesse censetur. *per L. Si fundus 6. L. emptor*
37. §. L. 60. ff. b. t. L. non dubitatur 6. C. eod. 3. Evictio *Sol-*
lennis, quando fidejussor verborum solennitate interce-
dit. *L. blanditus C. de fidejuss. L. autore. C. de Eviction.* 4. *Im-*
propria est, quando Venditor in genere pactus est, ne de
Evictione teneatur: licet re evictâ quoad interesse libe-
retur, nihilominus tamen obligatus manet quoad resti-
tutionem pretii, *L. Emptorem. §. fin. ff. de Action. empt. &*

vende.

*Vendit. L. non dubitatur. C. de Eviction. secus si specifica-
retur à certâ personâ L. qui libertatis. in princ. ff. de Evi-
ction. Caball. §. 2. n. 24.*

VII. Finis sive causa, propter quam introducta
evictio illa est, ut Emptor indemnis servari possit, si res
evicta sit ut pretium & quod ipsius interest à venditore
consequi possit *L. 61. & L. 70. ff. b. t.* Cum enim venditor
factâ traditione ab obligatione principali liberetur, neq;
ex contractu emptionis & venditionis amplius agi possit
ad præstationem, *L. 15. §. 6. ff. de Re Jud.* quia hac ratione
dominium transfertur, si venditor dominus fuerit
quemadmodum & in aliis obligationibus, *L. 91. §. ult. L.
131. §. 1. ff. d. F. O. L. 27. ff. d. sive juss.* & tñ. ita tradere debet,
ut habere liceat i. e. ne res vendita emptori auferri possit.
L. 30. §. 1. ff. de Action. empti & vendit. Necesarium vi-
sum est, ut traditione factâ auctoritatem evictionis, quæ
succedat in locum rei venditæ post evictionem sablatio-
nem præster: siquidem aliter obligari non potest *ut im-
quit Paulus lib. 2. sentent. tit. 17. in princ. Bart. ad L. 38. §. qui
hominem 3. ff. de solut.* Hâc occasione non incongruè
quæritur, quale pretium re evictâ à venditore sit reddend-
um: *An ejusmodi, de quo inter partes tempore vendi-
tionis conventum est; an autem tale, quod est tempore Evi-
ctionis?* Et quidem respondetur, omnino hic intelli-
gendum tale pretium, quale fuit tempore venditionis.
per L. 13. ff. b. t. Et hoc non absq; ratione. Si enim ma-
jus pretium fuerit tempore Evictionis, tunc emptor non
tantum nomine pretii, sed ad interesse quoque agere
potest. *Garcias d. expens. cap. 18. n. 5. & 6. Duar. ad. L. 10.
C. b. t. Zöesius ad b. t. n. 5.*

CAPUT SECUNDUM.

In quibus præcipuè causis præstanda sit Evictio, quibus personis, & à quibus, & quomodo caveatur.

SUMMARIA.

- | | |
|-------------------------------------|--|
| 1. Generalis enumeratio
causarum | 7. De Donatione. |
| 2. De Emptione & Venditione | 8. De Legato. |
| 3. De Locatione & Conductione | 9. De Feudo. |
| 4. De permutatione | 10. De rebus Incorpora-
libus. |
| 5. De Transactione | 11. Quinam præstent Evi-
ctionem, & quibus. |
| 6. De Datione insolutum | 12. Quomodo caveatur, |

L

PRæmissis in capite præcedenti, quæ ad generalem Evictionis cognitionem conducere videbantur, consequens est, ut secundo loco nunc dispiciamus de præcipuis causis, in quibus Evictionis præstatio locum habeat. Et quidem generaliter Evictio præstanda venit in omnibus ferè causis, quæ in contractum deduci possunt, siue sint mobiles siue immobiles, siue corporales siue Incorporales. *Frantzke. ad b. t. n. 20. siue principales siue accessoriae. L. 7. L. 8. L. 64. L. 33. ff. d. Edil. edict.* De quibus

B

bus posterioribus notandum in his non præstari Evictionem, nisi nominatim ita inter Contrahentes actum sit. *arg. l. 26. ff. d. Action. Empt. & Vend. Nicol. Burgund. d. Eviction. c. 46. n. 3.*

II. Dixi supra in *c. 1. n. 1.* Evictionem propter contractum *Emptionis & Venditionis* esse inventam; ex quo tantò certius constat ex contractu *Emptionis & Venditionis* directam actionem pro evictione competere uti patet ex *b. t. ff. & C. h.* Est enim evictio de naturâ hujus contractus, *Dnus. Carpzov. l. 5. Respons. Resp. 43. n. 5.* ut quamvis venditor specialiter Evictionem non promiserit, nihilominus ex ipsâ hujus contractus naturâ & proprietate ad præstandam Evictionem teneatur *l. 19. l. 60. ff. b. t. l. 6. C. eod. In l. ult. C. de comm. rer. alienat.* talia verba extant: *Licet nullum Instrumentum intercesserit aut quicquam specialiter convenerit.* Imò Venditor Emptore postulante vel statim ab initio contractus vel post longinquum quoque temporis spatium de Evictione promittere tenetur, *l. 6. l. 37. l. 40. ff. b. t. l. 6. C. eod. Frantzk. ad. b. t. n. 7.* ubi quam plurimas hujus Regulae ampliaciones recenset. Quod si Venditor recisso venditionis contractu Evictionem præstare nequeat, ad restitutionem pretii obligatus est. *Schneidm. §. d. Action. Institut. n. 43. de Action.* Hic enim bonæ fidei contractus non patitur, ut Emptor rem amittat & pretium Venditor retineat. *L. ex empto. ii. §. ult. ff. d. Action. empt. & vend.* Si autem plures rei unius sunt Venditores, pro indiviso singuli in solidum tenentur. Quia enim Venditionis natura Individua, in solidum defendi debet. *L. 39. l. 2. vers. ex his. ff. de V. O.* Ideoque
ex

ex natura hujus contractus plures Venditores in solidum tenentur. *Andr. Gail. l.2. obs. 14. n.1. Dnus. Carpzov. Jurisprud. For. p.2. c.34. def.29.* Quando autem expressè inter Contrahentes actum est, ne Emptor præstationem Evictionis exigere debeat, aut ipse Emptor scienter rem alienam emerit; in his casibus aliter sentiendum videtur. Et quidem priori casu vel Venditor vendidit scienter rem alienam, & tunc pretium cum interesse Emptori restituere tenetur, *per l.ii. §. fin. ff. d. Action. empt. & vend. ibi nisi fortè sciens:* Vel ignoravit, & tunc pretium tantummodò restituere debet *d. l.ii.* Posteriori autem casu neq; pretium neq; quod interest Emptori restituere necesse habet Venditor, nisi expressè inter partes de Evictione cautum sit *l.27. C. h.t. l.14. §.9. ff. d. Edil. Ed. Dnus. Carpzov. p.2. c.34. d.25. n.6.* Si enim expressè conventum esset de non repetendo pretio, ejusmodi conventioni omninò standum est, quia tunc Emptor videtur emere dubium eventum, quemadmodum ille qui jactum retis emit à piscatore, nihilominus solvere tenetur, quamvis nihil ceperit *d. l. exempto §. fin. l. si jactum retis 12. ff. d. Action. empt. & vend. Dnus. Carpzov. p.2. c.34. def.22.* Ita quoq; Venditor non tenetur de Evictione si res emptæ per violentiam emptori auferatur, *l. ult. C. de Act. empt. & vend. sec. illud German: Für gewalt ist man zur gewehren nicht schuldig.* Quia injuria quæ fit Emptori, non debet, afficere Autorem *l. si ff. de Evict.* neque Venditor de casibus futuris tenetur, *l. ii. ff. de Evict.* aut casum fortuitum præstat. *Cab. §.5. n.ii. antea cit. Dnus. Carpzov. p.2. C.34. def.25.* Deniq; non tenetur vendi-

tor de Evictione proventuum annuorum crescentium & decreascentium: ob eam rationem, quia sibi ipsi imputare debet, quod non cautius sit mercatus *L. qui cum alio, ff. de R. J. Hartmann. Piste. Obser.* 212. n. 6. Præterea nunquam ferè semper una æqualitas horum proventuum existit, nonnunquam enim minores, altero verò anno majores reperiuntur: adeoque hoc in casu omninò periculum ad Emptorem pertinet. *arg. l. pupilli. §. 2. & ib. Paul. de Cast. ff. d. solut. & ita pronunciatum in causâ Thilden von Seebach refert Dnus Carpzov. p. 2. c. 34. d. 41.* Ultimo loco duæ quæstiones hic annectendæ, 1. *An Venditor hæreditatis quoad Evictionem rerum singularium teneatur?* Et Respondetur, quod non: *per l. i. C. h. t. Zoëf. ad. h. t. n. iii.* Quia jus successionis adeoq; ipsa Universitas, quæ augmentum & diminutionem recipit, in venditionem venit, non autem res singulæ, quas si Emptor vindicare constituit, necesse est ut de illis proprio periculo & sumptibus conveniat possesores, *d. l.* non autem Evictionem illarum rerum exigere potest à venditore. Hic enim hæreditatem sive Jus universum hæreditarium ipsi vendidit, non res hæreditarias. Sectus tamen, si ita conventum sit inter emptorem & venditorem. Tunc enim propter ejusmodi conventionem Evictio omninò ab Emptore præstanda venit. *L. 45. ff. d. contr. empt. Nicol. Burgund. de Evict. c. 10.* 2. *Quæritur: An Creditor de pignore alienato, si illud ab alio evincatur, de Evictione teneatur?* Et videbatur dicendum, quod sic, siquidem vices venditoris sustinet. Adeoq; quemadmodum venditor evictionem præstare necesse habet emptor.

emptori, ita quoq; creditor. Sed negativa sententia
in puncto Juris verior *tot. tit. C. cred. Evict. pig. non de-
bere.* Quia Creditor hoc in casu minimè obligatur,
ita ut neque ad restitutionem pretii compelli possit; ven-
ditor enim pignus, jure Creditoris, sive eo Jure, quo de-
bitoris fuit vendidit ita ut sibi imputare debeat Emptor,
quod conditionem rei aut venditoris non melius ex-
ploraverit *l. 1. h. t. C.* Habet tamen Emptor pignoris
actionem utilem adversus debitorem exempto, *l. 20. §. 1.
ff. d. distr. pig.* huic enim pretium acceptum profuit,
l. 13. C. de Evict. & tenetur Creditor Emptori cedere ac-
tionem pignoratitiam contrariam, quâ tamen Em-
ptor nihil magis consequi potest, quam quod citra pe-
riculum Creditoris futurum est *l. 38. ff. de Eviction. d. l.
13. ff. de distr. pign.* si verò creditor promiserit debitorem
esse solvendo, excusatione factâ, quod à debitore asse-
qui non potuerit, regressum habet Emptor adversus
creditorem. *Molinaus de Usur. qv. 62. n. 413.* Quapro-
pter creditor ab ejusmodi obligatione exemptus esse
cupiens, quatuor omninò præstare tenetur, 1. rem sibi
esse obligatam, 2. se potiore esse reliquis Credito-
ribus, 3. nihil fraude aut dolo à se esse factum, 4. Quod
habuerit liberam potestatem pignus distrahendi. Quod
si præstiterit, de Evictione non tenebitur, nisi expres-
sè ita promiserit, tunc enim ex conventionione tenetur,
quia servanda est conventio *l. 2. ff. h. t.* Hoc casu tamen
quando Creditor de Evictione ab Emptore conventus,
pretium illi præstitit, cum nondum sit assecutus debi-
tum, à debitore illud exigere potest, imprimis si pi-
gnus bonâ fide & non aliter quanti vendidit, vende-

1587.
re potuit. *L. 12. §. 1. ff. de distr. pign. Anth. Perez. pral. ad C. h. tit.*

III. Quamvis autem superius traditum sit, Evi-
ctionem principaliter propter emptionem & venditi-
onem adinventam esse, successu tamen temporis, con-
stitutionibus Principum & prudentum interpretatio-
nibus ad alias quoque causas cum emptione & vendi-
tione aliquam similitudinem habentes, extensa est
L. 52. utrum ex causa emptionis an ex alia, ff. d. Eviēt. l. 12. C. eod. l. 8. C. d. sentent. & interloc. Cum itaq; *locatio & Conductio* proxima dicatur emptioni & venditioni *l. 2. pr. ff. locat. pr. Institut. d. locat. & conduct.* ita ut propter
ejusmodi familiaritatem nonnulli dubitarent, utrum
sit emptio & venditio, an verò locatio & conductio.
¶ Cuius Gaius d. l. 2. §. 1. & §. 3. Institut. d. l. Ideoq; omninò
dicendum in hoc contractu eviētionem esse præstan-
dam. *L. 35. ff. locat. Caball. §. 4. num. 56.* Neq; interest, an
scienter rem alienam locaverit; an verò ignoranter,
utroq; enim casu tenetur. *L. 15. §. 8. ff. locat. Dnus. Frantz. hic. num. 412.*

IV. Tertia causa, cui Eviētio adhæret, est *per-
mutatio*, *l. 29. C. d. Eviēt. l. 1. C. in fin. de rer. permut.* quæ
vicina est emptioni & venditioni, *L. fin. ff. de rerum per-
mut.* adeo ut uterq; permutantium loco emptoris & ven-
ditoris habeantur. *l. 19. §. 5. ff. de edil. Ed.* Quà de causâ
veteres Sabinus & Caspius permutationem pro specie
emtionis & venditionis habuerunt, quibus Proculus
contradixit statuendo; permutationem omninò con-
tractum ab emptione & venditione distinctum esse,
quæ sententia auctoritate Imperatoriâ approbatâ obti-
nuic.

luit. §.2. *Instit. d. empt. & vendit. Gotbofr. ad l.2. C. de rer. permut. lit. E.*

V. De *Transactione* non simpliciter statuendum, sed hic cum Dno. Frantzkio *d.l. n.413.* distingvendum. *An ejus causa aliquid datum; an vero penes alterum dimissum sit:* Priori casu, qui transactionis causa aliquid dat, omnino de Evictione tenetur, ob eam rationem, quod Evictio in quacunque causa onerosa teneatur, quamvis de ea nihil actum, *l.11. pr. ff. d. Action. empt. & vend. l.6. C. d. Eviction.* & hoc in aliis contractibus præter emptionem & venditionem obtinere, constat ex *l.29. C. de Evict. l.1. ff. d. rer. perm. l. ult. ff. d. condiction. caus. dat. l.9. ff. locat. Cabal. d. Eviction. §.4.* Nam quicquid ex transactione percipitur, titulo oneroso fit uti clarum ex *l.33. C. d. transact. & ita pernunciat: ref. Dnus. Carpzov. p.2. const.34. d.28.* Posteriori autem casu, quando nihil datum sed dimissum & à lite discessum est, quia res controversa possessori relinquitur, Evictio minimè præstanda venit uti sentiunt ant. cit. Dnus. Frantzk. & Dnus. Carpzov. *d.l. Hartman. Pfst. Ob.127. n.38.*

VI. *Datio in solutum* præstationem Evictionis requirit, & hujus nomine actio pro Evictione competit. *l.4. C. b. tit. l.24. ff. de pignorat. action. l.8. C. de sentent. & inter loc. l.98. de solut.* Quamvis enim reverà non sit venditio, tamen vicem ejusdem obtinere dicitur, *l.4. C. d. Eviction. l. fin. ff. quibus ex causis in posfess.* quando nimirum pro pecunia mutuò data res aliqua in solutum datur, eo ipso emptio aliquo modo contracta esse videtur.

1583.
VII. Donator autem nudo saltem pacto interveniente, minimè de Evictione tenetur, nisi stipulatio accesserit, se velle Evictionem præstare *L.2. C.b.t.* Et ratio est in promptu. Si enim propter rem donatam evictam donatarius pretium à donante reperere posset, is pœnam liberalitatis suæ pateretur. *L.62. ff. de edil. ed.* Quod si tamen aliquis sciens rem alienam esse, alteri ignoranti donaverit, ipsi competit actio de dolo ratione sumptuum quos in rem donatam fecit. *per text. in. L. Aristo. §. fin. ff. d. donat. ibid. gl. & Doff. com. l.8. §. ult. ff. b.t. & d. l. 62. Gomez, Tom.2. c. 2. n. 85. Burgund. de Evict. c. 16. & seqq.*

VIII. Si testator certam speciem alieni legaverit puta Stichum servum hæres ejus non tenetur de Evictione, sed sufficit, quod is traditionem talenti, qualis res ipsa erat *l.45. in fin. ff. de Leg.1.* fecerit, quo facto liberatur, non enim plus legare potest testator, quam Jus quod in re legatâ habet *l.71. §. fin. ff. de Leg.1.* Ita ut re evictâ ad interesse hæres non teneatur. Causa enim lucrativa nunquam Evictioni obnoxia. *Barr. & alii add. l.71. §. fin.* si verò testator rem in genere legaverit, præsumitur testatorem velle, ut illa res fiat legatarii, & tunc in voluntate hæredis non consistit, ut rem alienam dando voluntatem testatoris clusoriam reddat *l.28. ff. b.t. Frantzck. de Eviction. n. 465.*

IX. Feudum quoq; causa est, in quo Evictio præstanda venit, si evincatur. Generaliter enim verum est *in Feudis Dominos de Evictione teneri 2. Feud. 80. & 87.* Et quidem res aliena vel ignoranti in Feudum data est, & tunc Dominus ad præstationem alterius rei

1287
rei ejusdem bonitatis & quantitatis unâ cum inter-
esse tenetur, *cap. 1. de Investit. de re alien. Fact. 2.*
F. 8. & ibid. gl. vel scienti & tunc non debetur evi-
ctio, nisi expressè promissa sit. gl. in §. si quis d. Feud.
dat. in vic. Leg. com. 1. F. 27. Isernia. ibid. n. 2. Rosenthal
de feud. c. 4. conclus. 11. Schrad. p. 3. c. 2. n. 6. Dnus. Frantzk.
d. l. n. 517.

X. Non autem tantummodo præstanda ve-
nit Evictio in rebus corporalibus, sed quoque in in-
corporalibus, nimirum servitutibus & quidem tam
personalibus quam realibus. Quod usu fructum at-
tinet, illo evicto actio non minus Emptori compe-
tit, ac si ipsa res corporalis evicta sit *l. 49. ff. b. t. ubi*
Jctus Cajus inquit: Si ab emptore usus fructus pe-
tatur, perinde is venditori denunciare debet, atq; is
à quo pars petitur conf. l. 66. ff. d. contr. empt. & vend.
Ratio illa est, quia usus fructus per totum fundum
diffusus est, ejusque emolumentum omne continet,
l. 66. §. 6. ff. de legat. 2. l. 1. l. 7. l. 9. & passim ff. de usufr.
& instar partis est, *l. 4. d. Usufr. l. 76. §. 2. d. legat. 2.*
in fin. quoniam fructus portionis instar obtinet, l. 58.
pr. d. V. O. ibi. similis est ei. Jam autem ob partem
evictam tenetur venditor. *l. 1. ff. de Evict.* Idem
quoque de usu alioque simili jure dicendum. *l. 38.*
§. 13. d. V. O. Dnus Frantzk. ad t. d. Eviction. n. 87. 90.
Servitutes reales seu prædiales tam urbanorum *l. 2.*
ff. d. S. P. V. quam rusticorum l. 1. ff. d. S. P. R. quod
concernit, in his quoque præstanda est Evictio. Quan-
do enim Prædium sive urbanum sive rusticum ven-
ditum est, ita quidem ut nulla fiat mentio servitu-
tum;

tum; servitutes quæ in prædîo illo constitutæ sunt, tanquam puræ putæ commoditates fundi tacitè ad Emptorem transeant *l.25. d. S.P.R. l.47. ff. d. contrah. empt. & vend.* Quod si venditor tales servitutes sciens reticuerit, easque Emptor propter ignorantiam *per Leg. fin. in fin. C. d. præscript. longi temporis* non utendo legitimo tempore amiserit, exempto ob dolum tenebitur *l.66. §.1. ff. de Contr. empt. & vendit.* Et quidem hæc ita obtinent in servitutibus constitutis, secus tamen in servitutibus constitutendis. De his enim non tenetur venditor, nisi specialiter promiserit, *d. l.66. pr. verbis: quidam ita demum. ff. d. contrah. empt. & vendit.* quod quoque obtinet in illis servitutibus, quæ tacitè accesserunt, si enim illæ evincantur, de evictione venditor non tenebitur *per Leg. pen. ff. b. t.* Ubi Jctus Venulejus inquit: *Nec enim Evictionis nomine quisquam tenetur in eo jure, quod tacitè solet accidere. Frantz k. cit. l. n. 91. & seqq.*

XI. Postquam percepimus, in quibus causis præstanda sit evictio, nunc quoque dicendum de personis, quæ Evictionem præstare necesse habeant, & quibus. Et quidem cum ex antea dictis hæc uberius cognosci possint, breviter hic me expediam. Tenetur itaque de Evictione *Autor sive Venditor*, qui proprio nomine non alieno aut necessitate officii emptori vel alii justo titulo tradiderunt *l.1. ff. b. t. l.16. in fin. C. de Evict. Frantz k. b. n. 566.* ejus hæredes. *l.9. l.21. l.23. C. b. t. l.51. §.3. ff. eod.* Et fidejussores, qui à venditore in hunc finem dati sunt, *l.41. §.2. ff. b. t. l.7.*

l.7. l.18. in fin. C. eod. & eâ de causâ secundi autores
 appellantur l.4. ff. h. t. Quod catenus procedit, ut
 quamvis ipsi non denunciatum sit ab Emptore, ut
 Iudicio adesse debeat, nihilominus rectè conveniri
 possit, per l.7. C. b. t. sufficit enim denunciatum fuis-
 se principali venditori. Quamvis autem, uti jam
 dictum, venditor de Evictione teneatur, ipse tamen
 rem venditam evincere non potest per Reg: vulga-
 tam: *Quem de Evictione tenet actio, eundem agen-
 tem repellit exceptio.* Dd. ad l.17. ff. b. t. Wesemb. pa-
 rat: d. except. rei vendit. & tradit. n.2. Neque ejus
 hæredes, qui si rem evincere velint, exceptione do-
 li mali removentur, l.73. fin. ff. b. t. neque fidejussor
 venditoris, per Reg. ant. alleg. neque ejus hæredes,
 l.18. C. b. t. nisi jure proprio rem vindicare velint.
 l. fin. C. b. t. An autem venditor, si alieno nomine,
 puta procuratorio, rem vendiderit, de Evictione tenea-
 tur, hic non incongruè quæritur? Et Respondetur
 eum de evictione non teneri, sed saltem mandati
 sui fidem facere debet, & tunc Emptor actione uti-
 li ad Exemplum actionis institoriaæ agere potest ad-
 versus verum dominum l.13. §.25. ff. de Action. Empt.
 & vend. Ant: Perez. ad h. tit. C. n.4. Præstat autem
 Evictio Emptori & illis, quibus res justo titulo
 tradita & evicta est; ipsorumque hæredibus, in quos
 omnia jura defuncti transeunt, secundum jura vulgat:
 Dnus. Frantzck. hic. n.546.547.

XII. Cavetur de Evictione dupliciter, vel
 promissione simplæ vel promissione duplæ. In sti-
 pulatione simplæ venditor promittit, si res evicta

esset simplum pretium *l. 16. b. t.* una cum ipsius interese *l. 60. & l. 70. ff. b. t.* emptori restituere. Itaut ad hoc semper Venditor teneatur ex natura huius contractus *l. 60. ff. b. t.* Stipulatio autem duplæ continet, ut Venditor re evictâ duplum non bonitatis rei sed pretii conventi Emptori præstet. *l. 53. & l. 48. ff. b. t. Wesenb. in parat. ad b. t. n. 3. & 4. Treutl. vol. 2. d. 2. §. 5.* Non autem regulariter satisfactio necessaria, *l. 56. ff. b. t.* nisi 1. de eâ specialiter conventum sit *l. 4. l. 37. l. 56. ff. b. t.* Ex conventionem enim contractus Legem accipit. *l. 23. ff. d. R. I.* 2. Si consuetudine ita sit introductum *l. 31. §. 20. ff. d. adl. edict.* Et 3. Si evictio in limine contractus, sive antequam pretium sit solutum, immineat *l. 24. C. b. Sicbar ad l. 3. b. t. Dnus Carpzov. p. 2. C. 34. de f. 30. & 36.*

CAPUT TERTIUM.

De Requisitis Evictionis, & quomodo ejusdem præstatio petenda.

SUMMARIA.

- | | | |
|----------------------------------|--|---|
| I. Primum Requisitum Evictionis. | | III. Quid & quam necessaria sit denunciatio. |
| II. Alterum Requisitum. | | IV. Quanam circa litis denuntiationem consideranda veniant. |

I.

UT autem Emptor præstationem Evictionis exigere possit, potissimum duo requiruntur 1. Ut res sit evicta, *l. 21. pr. ff. h. & l. 3. C. eod.* & quidem ita, ut omnis spes habendi ipsi ademta sit *l. 35. in pr. ff. h. t.* Præterea necessitate judicii cogente, *arg. l. Non. tn. 24. ff. h. t. ibi: illud tamen verum non sit judicio cum evictum esse.* Neque interest, an ipsa res sit evicta, an autem emptor ipsius æstimationem solvere coactus sit, *l. 16. §. 1. l. 21. §. pen. in fin. ff. h. t. l. 66. §. 2. in fin. ff. eod.* item quo genere judicii res evicta sit: num ex causâ emptionis vel alia; *l. 52. ff. h. t.* an autem rei vindicatione *l. 34. §. fin. ff. h. t.* vel interdicto aliquo *l. 35. ff. d. Action. empt. & vend.*

II. Alterum requisitum est *Litis denunciatio*, quæ à denunciando dicitur. *Denunciare autem apud Veteres dicebatur laudare autorem suum:* quod vocabulum accipiebatur pro *nominare*, *Gellius lib. 2. noct. c. 6.* quemadmodum & ita usurpatur in *l. 63. §. 1. ff. h. t. & in l. 6. §. si tibi ff. d. action: empt. & vend. & in l. 7. C. h. t.* Autor autem pro eo, qui rem vendidit vel tradidit, accipitur *leg. 51. & L. ult. ff. h. t.* ita ut fidejussor autor secundus dicatur *L. 4. ff. h. t.* Unde & ejusmodi defensio *Autoritas* dicitur *Paul. l. 2. sentent:*

III. Est autem *Denunciare litem* motam venditori vel alii à quo res tradita est, significare, ut is judicio assistat & rem defendat.

Dñus Franczk. d. l. n. 657. Et

de hâc denunciatione regula est: *Quod Emptor auctorem suum laudare teneatur, quod nisi fecerit, neque actionem ex stipulatu neq̃ exempto intentare potest. l. 53. §. 1. ff. b. t. l. 29. C. cod. l. 8. C. d. sentent. & interloc. cum quibus consentit Ordin. Jud. Elect. Saxon. t. 14. in princ. An autem Emptor teneatur denunciare litem venditori scienti? de hâc re plerumque controversi solet. Et videbatur dicendum, quod non fecit, vulgè reg. *Qui certus est, amplius certificari non debet c. cum qui 31. d. R. J. in l' l'ro.* Cum itaq̃ non ignoret venditor, litem esse motam, non amplius certificari debet, ut tradit J. C. t. Ulpianus *l. 1. in fin. ff. de Action. empt. & vend.* Jam autem præsumitur denunciationem ad certificandum fieri, ut ita sola scientia sufficiat. *Dyn. in d. c. ubi plur. alleg.* Verum non obstante hâc ratione dubitandi communis Dd. opinio in contrarium est. *Accurs. in L. emptor. l. C. b. t. Bart. & Bald. ibid. Specul. de empt. & vendit. §. fin. in fin. & plur. vid. ap. Caball. tract. d. evictio: §. 3. n. 3. & 4.* Neque hoc absque ratione. Non enim denuntiatio in hunc tantummodo finem fit, ut venditor sciat, litem esse motam, sed quoque ut incitetur ad defendendum emptorem, *Dnus Carpz. p. 2. c. 34. d. 40. Decius Conf. 74.* Jam autem venditor melius rem venditam defendere potest, quando certior factus est ut de jure suo instructus comparere possit, *Bart. d. l. Caball. d. §. 3. n. 5. & seqq.**

IV. Circa hanc ipsam litis denunciationem porrò tria potissimum consideranda veniunt 1. Cui fieri debeât. 2. Quomodo. 3. Quando. Quod primum

mum attinet, *Litis denunciatio fieri debet auctori l. 39. §. 1. ff. b. t.* si autem plures sint autores, omnibus denunciandum est. *L. 62. §. 1. ff. b. t.* Et hæc de personis, quibus subsequitur *secundo* modus sive quomodo denunciatio faciendæ. Ubi tria requiruntur I. Ut non tantum lis mora emptori notificetur, sed quoque ad defendendum requiratur uti expressè patet ex *l. 21. verb. interpellare venditorem vel ejus successorem debes, ut tibi assistant. l. 23. ibi: assistere negotio denuncia. C. b. t. l. 1. ibi: si denunciatum est, ut causæ agenda adesset, C. d. peric. & commod. rei vendit.* Et ita communiter tradunt Dd. Teste Covar. 3. var. resolut. Resolut. 17. n. 3. & Caballin. §. 3. n. 30. Ex quo priori II. loco sequitur, ut venditor in ipsâ denunciatione de genere litis informetur, transmissio libello & citatione. sec. Dd. Commun. Covar. d. l. n. 3. Caballin. d. §. n. 38. cum seq. Berlich. p. 2. concl. 24. n. 82. Quod quoque in terris Saxonie obtinet. Noviss. Ordinat. Judicial. Elect. Saxon. c. von der Litis denunciation. 14. vers. und ihm von dehm was allenthalben von den Parteyen vorbracht. Et quidem ut non tantum sciat Autor successori litem esse motam, sed quoque ut secum de liberare possit, quomodo postulatam defensionem instituere velit arg. Clem. causam 3. de elect. l. 1. ff. de edend. Ummius disp. n. 8. 6. n. 31. III. Requisitum est, ut denunciatio in scriptis fiat. Wesenb. d. l. Ubi tamen Consuetudo uniuscujusque loci præprimis attendenda venit. Quartum quod circa litis denunciationem principaliter requiritur est *Tempus, sive quando de-*

nunciatio fieri debeat. Potest autem ejusmodi denuntiatio fieri quovis tempore etiam post litteram contestatam, *per leg. 29. §. 2. ff. b. t.* ubi dicitur, *quod quolibet tempore venditori renunciari possit, modo non propè ipsam condemnationem id fiat.* Dnus. Frantz, d. l. n. 700. & seqq. Quod quoque de jure Saxonico obtinet. *Ordin. Judic. t. 14. in princ. vers: Es wër de gleich vor / oder nach der Litis contestation gesucht.* Dnus. Carpzov. p. 1. c. 3. Def. 29.

CAPUT QVARTUM.

De Actionibus quæ ex naturâ Evictionis descendunt.

SUMMARIA.

- | | |
|--------------------------------|--|
| 1. Actio pro Evictione duplex. | 3. Quando hæ actiones competant vel cescent, |
| 2. De naturâ harum actionum. | 4. De duratione harum actionum. |

I,

CONsequens est, ut nunc ultimo loco de Actionibus, quæ pro Evictione competunt, dicamus. Quarum duæ sunt, una *ex empto*, quæ est naturalis, quia semper competit, licet de Evictione nihil actum sit, & huic contractui quasi naturalis quædam proprietas semper adhæret l. 37. §. 2. l. 60. ff. b. t. Altera

ex

ex stipulatione in simplum vel duplum l. 36. ff. b. t. quasi
accidentalis, quia hac actio non semper competit,
nisi de ea specialiter actum sit. *Dnus Frantzk. b.*
n. 838.

II. Porro Actionis ex empto duo sunt capita.
Prius primariam illius naturam respicit & ad imple-
mentum hujus contractus tendit, ut si venditor rem
tradere non possit, id quod interest, prestare neces-
se habeat *Dnus. Frantzk. ad t. t. ff. d. Action. empt. &*
vend. Posterius caput respicit cum casum, quando
vacua tradita est possessio, & Emptori Lis aliqua
moveretur, quod venditor cum defendere debeat :
l. 74. §. 2. ff. b. t. l. 43. ff. de Action. empt. & vendit. vel si
res evicta sit, emptorem servet indemnem *Dnus.*
Frantzk. b. n. 841. Datur autem hac ipsa actio ex
empto principaliter ad recipiendum pretium, dein-
de quoque ad interesse *l. 60. l. 70. ff. b. t.* Pretium
hic intelligitur, de quo inter partes conventum est.
Quod quemadmodum Emptor venditori solvere te-
netur, & venditor recipere; *l. 8. C. de rescind. empt. &*
vend. ita & vicissim, postquam res evicta est dissolu-
to contractu, Emptor illud a venditore repetere po-
test. *l. 53. verb. quanti singula venierint. ff. b. t.* In-
teresse autem nihil aliud est quam quod emptori ab-
est, & quantum lucrari potuisset. *l. 13. ff. d. rer. amos.*
Ne autem hoc interesse dupli pretium excedat, &
ita nimis excrescat, generali constitutione sancitum
est. *l. un. C. de sentent. qui pro eo, quod interest.* Nisi
in eo casu, ubi aliquis scienter rem alienam venden-
do dolum commisit. *l. 4. pr. l. 13. §. 6. l. 30. §. 1. l. 45. §. 1. in*

D

fin.

fin. ff. de action. empt. & vend. Quoniam autem ratione qualitatis personarum, aliarumque circumstantiarum *Interesse* hoc nonnunquam augmentum, nonnunquam diminutionem recipit, ideoque ipsius æstimatio arbitrio Judicis plerumque relinqui solet. Sumtus litis quod concernit, siue specialiter venditor promiserit, *arg. l. 1. ff. d. pact. l. 1. §. 6. ff. de posu. Siue non*, nihilominus re evicta solvendi sunt. *l. 47. in fin. ff. de Action. empt. & vend.* Quod si emptor victus, victus victori condemnabitur in expensas *l. 18. §. 6. C. d. Jud.* Actio ex stipulatu est vel rem habere licere vel duplæ, pro diversitate cautionum, quæ venditoribus exigebantur *Dnus. Frantzk. b. n. 846.* Quâ actione semper certam quantitatem persequimur, de quâ inter contrahentes convenit & præcise res ita consideratur, qualis fuit tempore contractus, ex quo differentia harum actionum satis cognosci potest.

III. Competunt hæ actiones, quando res legitime evicta est; cessant autem præcipue 1. Quando Emptor venditori litem non denunciaverit, vel 2. scienter rem alienam emerit, *Trentl. Vol. 2. d. 2. §. 6. & 7. Dnus. Carpzov. p. 2. C. 34. d. 25.* aut 3. si iudex inique judicaverit *l. 51. ff. h. t. l. 8. l. 15. C. eod. c. ult. X. de empt. & vend.* tunc enim Emptor adversus Judicem agere potest. *l. ult. C. de Action. empt. & vend. Myns. cent. 1. Obs. 54. §. 6. n. 5. Dnus Carpz. d. def. 25. n. 3.* 4. Cessant quando res per violentiam ablata est *l. ult. C. d. action. empt. & venditi.*

1597

IV. Durant hæ actiones, donec præscriptione tollantur, à tempore nimirum rei evictæ. *l. 70. ff. b. r.* Quando enim res nondum evicta est, dies obligationis neque cecidit neque venit, & ideo actio nondum nata, neque currere aut legitimam præscriptione finire potest *l. 213. ff. d. l. r. s.* Ab hoc itaque termino de Jure civili triginta annorum spatio hæ actiones præscribuntur, *l. 3. C. de præscript. 30. vel 40. annor.* ut illis non amplius postea locus sit. De Jure autem Saxonico & quidem novissimam ejus hodiernam observantiam, Venditor rerum immobilium usque ad annum 31. cum anno & diebus regulariter de evictione conveniri potest; mobilium verò non ultra annum & diem. Ita ut hodiè Venditor tamdiu Gvarandator rei venditæ esse debeat, donec Emptor eandem juxta constitutum modum præscribat. *Dñus. Carpozov. p. 2. C. 3. d. 18.*

COROLLARIA.

I.

VEnationem hodiè Principes tanquam propriam aliquod Jus sibi vendicant, nisi hoc beneficium specialiter quibusdam concedere velint, *C. un. §. si quis rusticus. d. pac. ten. 2. F. 27.* Cujus possessio in Principibus tempore immemoriali corroborata est. Et quidem præcipuè propter publicam utilitatē, ne homines insectando feras necessarias operas intermitterent, speciesque ferarum ab interitu conservarentur. *Wesemb. in paratit. ff. d. acquir. rer. dom. n. 7.* Ut taceam Principibus pro salute subditorum vigilantibus hanc animi recreationem haud invidendam esse.

II. Veteres Medici Herophylus & Erasistratus dam-
natos ad mortem vivos ex carcere protractos incide-
bant, ut ea quæ natura clauserat, Spiritu adhuc rema-
nente, considerare possent. Quippe non crudele exi-
stimabant supplicio hominum nocentium remedia
innocentibus quærere. Apud nos Christianos tamen
hic mos planè improbatur: non enim facienda mala,
ut eveniant bona. Imprimis quia ars medica ad salu-
tem hominis tendit, non ad perniciem. *l. 1. §. ff. d. ex-
traord. crim. Marquard. Freher. lib. 1. parerg. cap. 25.* Cada-
vera autem punitorum ex hodiernâ consuetudine re-
ctè Medicis conceduntur; cum perfecta medicinæ co-
gnitio non absq; Anatomicis dissectionibus compara-
ri possit. *Francisc. Ripa. tract. d. pest. cap. d. remed. præserv.
contr. pest. n. 42. Ant. Gom. Tom. 3. variar. resolut. c. 14,* ubi
refert Carolum V. Imperatorem de Anno 1550. super
hâc re consuluisse Universitatem Salmaticensem: & re-
spondisse Universitatem, licere. Quod quoq; probat
Julius Clarus *lib. 5. sentent. qv. 100. n. 2.*

III. Liberi à Patre nobili, matre autem plebejâ pro-
creati, per subsequens matrimonium legitimantur
quia ejusmodi nuptiæ inter nobilem & ignobilem de
jure civili subsistunt, *Auth. sed. nov. jur. C. d. natural. liber.*
Cujus legitimationis effectus est, ut taliter legitimatus
perinde habeatur; ac si ab initio nobilis fuisset, quia
partus quoad statum regulariter patrem sequitur,
l. 16. ff. d. stat. homin. ita ut quoq; in feudis succedat,
Hartm. Pist. lib. 2. qv. 41. & seqq.

T A N T U M

